



Broj: 10-05-25-443-40/17
Mostar, 27. 06. 2018. godine

Na osnovu člana 64. stav (1) tačka b) i člana 70. Zakona o javnim nabavkama ("Službeni glasnik BiH", broj: 39/14), a nakon provedenog postupka javne nabavke usluga – "Izrada Plana zaštite okoliša Hercegovačko-neretvanskog kantona za period 2018. – 2023. godine" i na osnovu Preporuke komisije za javnu nabavku, broj: 10-05-25-443-39/17 od 11. 06. 2018. godine, Ministar trgovine, turizma i zaštite okoliša donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 10-05- 25-443-39/17 od 11. 06. 2018. godine i ugovor za javnu nabavku-Konkurentski postupak za dostavljanje ponuda nabavke usluga – "Izrada Plana zaštite okoliša Hercegovačko-neretvanskog kantona za period 2018. – 2023. godine" dodjeljuje se ponuđaču Konzorcij: "CETEOR" d.o.o. Sarajevo (vođa konzorcija) & "Institut za hidrotehniku" d.o.o. Sarajevo & "Enova" d.o.o. Sarajevo, iz razloga što je ponudio ponudu koja ispunjava propisane uslove i koja iznosi 44.343,00 KM.

Član 2.

Izabrani ponuđač je dužan na adresu Ministarstva trgovine, turizma i zaštite okoliša HNK, Braće Fejića bb, 88 000 Mostar u roku od sedam dana od dana zaprimanja ove Odluke dostaviti originale ili ovjerene kopije dokaza traženih tačkom 9.3. tenderske dokumentacije, s time da datum izdavanja originala ne može biti stariji od tri mjeseca računajući od dana dostavljanja ponude.

Član 3.

Prijedlog ugovora o nabavci dostaviti će se na potpis ponuđaču u zakonskom roku.

Član 4.

Ova odluka objavit će se na web-stranici Ministarstva trgovine, turizma i zaštite okoliša – <http://mtto-hnz-k.ba> istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Koverta sa ponudom je ispravno zatvorena i zapečaćena, tenderski obrazac ispravno popunjen, ponuda ispravno potpisana. Svi elementi ponude su dostavljeni. Ponuda je izrađena u skladu sa tačkom 11.2. i 11.3. TD i ista je formalno-pravno potpuna.

Ponudač je ponudio:

- Ukupna ponuđena cijena iznosi: **44.343,00 KM sa PDV.**
- Ponuda vrijedi 90 dana.

U skladu sa tačkom 11. Tenderske dokumentacije ponudač je dostavio dokaze kako je utvrđeno ovom tačkom. Dostavljena je dokumentacija propisana TD i ista je ovjerena. U pogledu ispunjavanja uslove iz tačke 10.5. alineja a) Tenderske dokumentacije kojom je propisano da ponudač u svrhu dokazivanja tehničke i profesionalne sposobnosti treba ispunjavati slijedeće minimalne uslove: da ima uspješno iskustvo u realizaciji najmanje tri ugovora čiji je karakter i kompleksnost sličan onima koji se odnose na predloženi ugovor (strategije i planovi zaštite okoliša, pojedinačne strategije i planovi sastavnica okoliša-otpad, voda, zrak, biološka raznolikost na federalnom, kantonalnom i lokalnom nivou), u posljednje tri godine ili od datuma registracije, odnosno početka poslovanja ako je ponudač registrovan, odnosno počeo sa radom prije manje od tri godine, i to u izradi planova i/ili studija zaštite okoliša na području Federacije Bosne i Hercegovine, ponudač je dostavio spisak izvršenih ugovora na svom poslovnom papiru/memorandumu i potvrde koje daje druga ugovorna strana o realizaciji ugovora. Uvidom u potvrde izvršenih ugovora utvrđeno je da su slijedeći ugovori validni i to:

- Izrada Kantonalnog akcionog plana zaštite okoliša (KEAP) Kantona Sarajevo za period 2016-2021, vrijednost ugovora 100.620,00 KM, datum završetka: oktobar 2017. godine;
- Izrada Kantonalnog akcionog plana za zaštitu okoliša (KEAP) Bosansko-podrinjskog kantona Goražde za period 2016-2022, vrijednost ugovora 40.429,35 KM, datum završetka: juni 2016. godine;
- Izrada Plana zaštite kvalitete zraka Unsko-sanskog kantona za period 2017-2022, vrijednost ugovora 46.449,00 KM, datum završetka: septembar 2017. godine;

Pregledom dokumentacije i aneksa utvrđeno je da ponudač **ispunjava** sve tražene uslove propisane TD.

Pismo preporuke koje se odnosi na Studiju uticaja na okoliš, plan o upravljanju otpadom i plan upravljanja okolišem u okviru projekta "Izrada investiciono-tehničke dokumentacije autoceste Tuzla-Žepče-priključak na koridor VC" (vrijednost ugovora 85.358,00 KM, vrijeme ispunjenja ugovora: 2014. – 2016. godine) ne zadovoljava uvjete utvrđene tenderskom dokumentacijom jer karakter, sadržaj i kompleksnost istog nije ni sličan ugovoru predmetne nabavke, a niti se na bilo koji način može dovesti u vezu sa gore navedenim dokumentima, a što je vidljivo i iz Projektnog zadatka kao sastavnog dijela tenderske dokumentacije, s obzirom da se radi o pojedinačnom zahvatu u prostoru za pojedinačnu djelatnost.

Potvrda o uredno izvršenom ugovoru, broj: 05-14-22246/15 III ZJ od 12. 08. 2015. godine za implementaciju projekta izrade "Registra emisija u zrak za 2013. godinu i određivanje kategorija kvalitete zraka za područje Kantona Sarajevo" (vrijednost ugovora 56. 043,00 KM, datum završetka: 20. 04. 2015. godine) ne zadovoljava uvjete utvrđene tenderskom dokumentacijom jer karakter, sadržaj i kompleksnost istog nije ni sličan ugovoru predmetne nabavke, a niti se na bilo

koji način može dovesti u vezu sa gore navedenim dokumentima, a što je vidljivo i iz Projektnog zadatka kao sastavnog dijela tenderske dokumentacije, s obzirom da se radi o izradi registra za jednu od sastavnica okoliša.

Potvrda naručitelja o uredno ispunjenom ugovoru od 07. 02. 2017. godine, "Program jačanja kapaciteta javnih ustanova za upravljanje zaštićenim područjima" (vrijednost ugovora 40. 000,00 KM, datum ispunjenja ugovora: novembar 2015.- novembar 2016. godine) ne zadovoljava uvjete utvrđene tenderskom dokumentacijom jer karakter, sadržaj i kompleksnost istog nije ni sličan ugovoru predmetne nabavke, a niti se na bilo koji način može dovesti u vezu sa gore navedenim dokumentima.

Potvrda naručitelja o uredno ispunjenom ugovoru od 09. 10. 2015. godine, "Izrada Kantonalnog plana zaštite okoliša Tuzlanskog kantona 2012.-2018." (vrijednost ugovora 35. 100,00 KM, ugovor stupio na snagu: 08. 05. 2014. godine) ne zadovoljava uvjete utvrđene tenderskom dokumentacijom je ugovor stariji od tri godine što je u suprotnosti uvjetima utvrđenim u tenderskoj dokumentaciji.

Potvrda naručitelja o uredno ispunjenom ugovoru od 11. 11. 2015. godine, "Pružanje tehničke i trening pomoći odabranim jedinicama lokalne samouprave za integralno strateško planiranje i jačanje partnerstva za razvoj zajednice" (vrijednost ugovora 103. 300,00 KM, vrijeme i ispunjenja ugovora: maj 2016. – januar 2017. godine) ne zadovoljava uvjete utvrđene tenderskom dokumentacijom jer karakter, sadržaj i kompleksnost istog nije ni sličan ugovoru predmetne nabavke, a niti se na bilo koji način može dovesti u vezu sa gore navedenim dokumentima.

Potvrda naručitelja o uredno ispunjenom ugovoru od 03. 03. 2015. godine, "Kantonalni plan zaštite okoliša Kantona Središnja Bosna/Srednjobosanskog kantona 2015.-2025. godina) (vrijednost ugovora 58. 032,00 KM, ugovor stupio na snagu: 03. 06. 2014. godine) ne zadovoljava uvjete utvrđene tenderskom dokumentacijom je ugovor stariji od tri godine što je u suprotnosti uvjetima utvrđenim u tenderskoj dokumentaciji.

Koverta broj 2 ponuđač **„I.G“.d.o.o Banja Luka**
Ponuđena cijena: 33.579,00 KM sa PDV.

Ponuda je blagovremena, kod ugovornog organa zaprimljena 22. 03. 2018. godine.

Koverta sa ponudom je ispravno zatvorena i zapečaćena, tenderski obrazac ispravno popunjen, ponuda ispravno potpisana. Svi elementi ponude su dostavljeni.

Ponuđač je ponudio:

- Ukupna ponuđena cijena iznosi: **33.579,00 KM.**
- Ponuda vrijedi 90 dana.

Pregledom i analizom dostavljene ponude utvrđeno je da ponuđač **ne ispunjava** uslove iz tačke 10.5. alineja a) Tenderske dokumentacije kojom je propisano da ponuđač u svrhu dokazivanja tehničke i profesionalne sposobnosti treba ispunjavati slijedeće minimalne uslove: da ima uspješno iskustvo u realizaciji najmanje tri ugovora čiji je karakter i kompleksnost sličan onima

koji se odnose na predloženi ugovor (strategije i planovi zaštite okoliša, pojedinačne strategije i planovi sastavnica okoliša-otpad, voda, zrak, biološka raznolikost na federalnom, kantonalnom i lokalnom nivou), u posljednje tri godine ili od datuma registracije, odnosno početka poslovanja ako je ponuđač registrovan, odnosno počeo sa radom prije manje od tri godine, i to u izradi planova i/ili studija zaštite okoliša na području Federacije Bosne i Hercegovine. Ponuđač je dostavio spisak izvršenih ugovora na svom poslovnom papiru/memorandumu i potvrde koje daje druga ugovorna strana o realizaciji ugovora. Međutim validnim se može smatrati samo jedan ugovor i to:

- Izrada Plana zaštite životne sredine (otpad, voda, vazduh i biološka raznolikost) Opštine Kneževo, vrijednost ugovora: 17.200,00 KM, datum završetka: maj 2017. godine.

Ostala tri ugovora, odnosno potvrde ne zadovoljavaju uslove utvrđene Tenderskom dokumentacijom jer karakter, sadržaj i kompleksnost istih nije ni sličan ugovoru predmetne nabavke, a niti sa na bilo koji način može dovesti u vezu sa gore navedenim dokumentima.

Naime potvrda koje se odnose na Izradu studije uticaja na okoliš projekta rekonstrukcije HE Jajce II, broj: II-1936/15 od 16. 06. 2015. godine (vrijednost ugovora 31.390,00 KM, vrijeme ispunjenja ugovora: lipanj 2014. – ožujak 2015. godine) ne zadovoljava uvjete utvrđene tenderskom dokumentacijom jer karakter, sadržaj i kompleksnost istog nije ni sličan ugovoru predmetne nabavke, a niti se na bilo koji način može dovesti u vezu sa gore navedenim dokumentima, a što je vidljivo i iz Projektnog zadatka kao sastavnog dijela tenderske dokumentacije, s obzirom da se radi o pojedinačnom zahvatu u prostoru za pojedinačnu djelatnost.

Potvrda koja se odnosi na Izradu studije o procjeni uticaja na okoliš i Plana o upravljanju otpadom za dalekovod DV 110 kV Kiseljak-Fojnica, broj: 01-1844/17 od 08. 03. 2017. godine (vrijednost ugovora 3.800,00 KM, vrijeme izvršenja ugovora: 23. 01. 2017. godine) ne zadovoljava uvjete utvrđene tenderskom dokumentacijom jer karakter, sadržaj i kompleksnost istog nije ni sličan ugovoru predmetne nabavke, a niti se na bilo koji način može dovesti u vezu sa gore navedenim dokumentima, a što je vidljivo i iz Projektnog zadatka kao sastavnog dijela tenderske dokumentacije, s obzirom da se radi o pojedinačnom zahvatu u prostoru za pojedinačnu djelatnost.

Potvrda o uspješno realiziranom ugovoru za Izradu idejnog projekta trase „Južne obilaznice“ Čapljine sa studijom izvodljivosti i studijom uticaja na okoliš, broj: 01-02.1-7999-4/15-FT od 18. 9. 2015. godine (vrijednost ugovora 443.343,00 KM, vrijeme izvršenja ugovora: 2014. i 2015. godina) ne zadovoljavaju uvjete utvrđene tenderskom dokumentacijom jer karakter, sadržaj i kompleksnost istih nije ni sličan ugovoru predmetne nabavke, a niti se na bilo koji način može dovesti u vezu sa gore navedenim dokumentima, a što je vidljivo i iz Projektnog zadatka kao sastavnog dijela tenderske dokumentacije, s obzirom da se radi o pojedinačnim zahvatima u prostoru za pojedine djelatnosti.

Koverta broj 3

ponuđač

**„ECO PLAN“ d.o.o. Mostar (Vodeći član Grupe)
„EKONERG“ institut za energetiku i zaštitu okoliša
Zagreb**

Ponuđena cijena: 34.749,00 KM sa PDV

Ponuda je blagovremena, kod ugovornog organa zaprimljena 22. 03. 2018. godine.

Koverta sa ponudom je ispravno zatvorena i zapečaćena, tenderski obrazac ispravno popunjen, ponuda ispravno potpisana. Svi elementi ponude su dostavljeni.

Pregledom i analizom dostavljene ponude utvrđeno je da ponuđač **ne ispunjava** uslove iz tačke 10.5. alineja a) Tenderske dokumentacije kojom je propisano da ponuđač u svrhu dokazivanja tehničke i profesionalne sposobnosti treba ispunjavati slijedeće minimalne uslove: da ima uspješno iskustvo u realizaciji najmanje tri ugovora čiji je karakter i kompleksnost sličan onima koji se odnose na predloženi ugovor (strategije i planovi zaštite okoliša, pojedinačne strategije i planovi sastavnica okoliša-otpad, voda, zrak, biološka raznolikost na federalnom, kantonalnom i lokalnom nivou), u posljednje tri godine ili od datuma registracije, odnosno početka poslovanja ako je ponuđač registrovan, odnosno počeo sa radom prije manje od tri godine, i to u izradi planova i/ili studija zaštite okoliša na području Federacije Bosne i Hercegovine. Ponuđač vodeći član grupe i član grupe je dostavio spisak izvršenih ugovora na svom poslovnom papiru/memorandumu i potvrde koje daje druga ugovorna strana o realizaciji ugovora. Međutim validnim se može smatrati samo jedan ugovor, odnosno dostavljena je samo jedna potvrda o uredno ispunjenom ugovoru koje ispunjavaju uslove propisane tenderskom dokumentacijom, i to:

- Izradu Programa zaštite zraka, ozonskog sloja, ublažavanja klimatskih promjena i prilagodbe klimatskim promjenama za područje Šibensko-kninske županije, vrijednost ugovora 67.000,00 kn (17.634,00 KM), datum završetka: 11.11.2016. godine,

Potvrde koje je dostavio vodeći član grupe „ECO PLAN“d.o.o. Mostar ne ispunjavaju uslove propisane tenderskom dokumentacijom jer se iste ne traže i ne spadaju u dokumente propisane tenderskom dokumentacijom. Naime potvrda o uspješnoj suradnji za pružanje usluga izrade „Plana upravljanja okolišem za regionalnu sanitarnu deponiju Kranovac“ u okviru Studije utjecaja na okoliš za regionalnu deponiju Kranovac, broj: 02-1-495/16 od 16. 06. 2016. godine, ne može se uvažiti jer se radi o dokumentu koji nije u skladu sa tačkom 10.5. TD, nema karakter i sadržaj sličan ugovoru predmetne nabavke, a što je vidljivo i iz Projektnog zadatka kao sastavnog dijela tenderske dokumentacije.

Potvrda o pruženim uslugama „Usluge izrade okvira upravljanja okolinskim i društvenim aspektima (ESMF) i izrada okvira politike preseljenja (RPF), broj: 01-02.3-4022-3/16-HZ od 01. 02. 2018. godine ne može se prihvatiti jer se radi o dokumentu, odnosno ugovoru koji obrađuje pojedinačne projekte na relativno malom i ograničenom području (rekonstrukcija raskrižja, sanacija mosta preko rijeke Bregave i izgradnja treće trake za spora vozila) i koji nije u skladu sa tačkom 10.5. TD, nema karakter i sadržaj sličan ugovoru predmetne nabavke s obzirom da se radi o pojedinačnim zahvatima u prostoru za pojedine djelatnosti, a što je vidljivo i iz Projektnog zadatka kao sastavnog dijela tenderske dokumentacije.

Također, ostalih pet ugovora, odnosno potvrde koje je dostavio član grupe „EKONERG“ institut za energetiku i zaštitu okoliša Zagreb, ne zadovoljavaju uslove utvrđene Tenderskom dokumentacijom jer karakter, sadržaj i kompleksnost istih nije ni sličan ugovoru predmetne nabavke, a niti sa na bilo koji način može dovesti u vezu sa gore navedenim dokumentima, a neki od ovih ugovora su rađeni i završeni prije tri godine.

Naime Potvrda o uredno ispunjenom ugovoru o pružanju usluge izrade Strateške studije o utjecaju na okoliš nacrta Prijelaznog plana RH, ur broj: 517-06-1-1-15-32 od 15. 01. 2015.

godine, ugovor je stariji od tri godine što je u suprotnosti uvjetima utvrđenim u tenderskoj dokumentaciji (datum i mjesto ispunjenja ugovora: 14. siječnja 2015. godine, Zagreb).

Potvrda o uredno ispunjenom ugovoru Strateška studija za nacionalni program provedbe strategije zbrinjavanja radioaktivnog otpada, istrošenih izvora i istrošenog nuklearnog goriva, provedba postupka strateške procjene utjecaja na okoliš, uključivo procjena utjecaja na okoliš preko državnih granica, te izrada i provedna plana uključivanja dionika, broj: 3-2/16 -2 -3/13 od 20.07.2016.godine ne može se prihvatiti jer navedeni ugovor se odnosi isključivo na jednu vrstu otpada, kao i da se radi o strateškoj studiji i strateškoj procjeni utjecaja na okoliš. Strateška procjena utjecaja na okoliš je postupak kojim se procjenjuju mogući znatni utjecaji na okoliš koji bi mogli nastati provođenjem već postojećih i izrađenih strategija, planova i programa kojim se utvrđuje okvir za razvoj određenog sektora, odnosno njegove karakteristike, ciljevi i prostorni obuhvat. Iz navedenog je vidljivo da navedeni dokument nije u skladu sa tačkom 10.5. TD, jer isti ne spadaju u tražene dokumente (strategije i planovi zaštite okoliša, pojedinačne strategije i planovi sastavnica okoliša-otpad, voda, zrak, biološka raznolikost na federalnom, kantonalnom i lokalnom nivou). Isto tako, iz sadržaja ovog dokumenta utvrđeno je da isti nema karakter i sadržaj sličan ugovoru predmetne nabavke i Projektom zadatku.

Potvrda o uredno izvršenim ugovornim obvezama "Program zaštite zraka, ozonskog sloja, ublažavanja klimatskih promjena i prilagodbe klimatskim promjenama za područje Grada Zadra" vrijednost ugovora 66.770,00 kn (17.575,00 KM) ugovor je stariji od tri godine što je u suprotnosti uvjetima utvrđenim u tenderskoj dokumentaciji (datum izdavanja potvrde: 22.12.2015. godine a vrijeme ispunjenja ugovora: od 26. august 2014. godine).

Potvrda o uredno ispunjenim ugovornim obvezama "Ugovor o izradi programa postupnog smanjenja emisija za određene onečišćujuće tvari u RH s projekcijama emisija do 2020.; 2025 i 2030. godine s pogledom na 2050 godine, ugovor je stariji od tri godine što je u suprotnosti uvjetima utvrđenim u tenderskoj dokumentaciji (datum ugovora: 11. 09. 2014. godine).

Potvrda o uredno ispunjenim ugovornim obvezama po Ugovoru „Izrada stručnih podloga za izradu strategije niskougličnog razvoja RH za razdoblje do 2030, s pogledom do 2050 s akcijskim planom, broj: URBROJ:517-03-2-1-15-2 od 14. 12. 2015. godine, ugovor je stariji od tri godine što je u suprotnosti uvjetima utvrđenim u tenderskoj dokumentaciji (potpisan dana 08.12.2014., a izvršen dana 27. 11. 2015. godine). Isto tako, iz sadržaja ovog dokumenta utvrđeno je da isti nema karakter i sadržaj sličan ugovoru predmetne nabavke, a što je vidljivo iz Projektnog zadatka kao sastavnog dijela tenderske dokumentacije.

Za ostale ugovore navedene na spisku nisu dostavljene potvrde koje daje druga ugovorna strana o realizaciji ugovora, niti su predloženi dokazi o učinjenim pokušajima da se takva potvrda osigura.

Iz Zapisnika je vidljivo da je na osnovu provedene procedure javne nabavke i pojedinačne analize pristiglih ponuda, ponuđenih uslova, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija jednoglasno utvrdila da ponuđač Konzorcij: "CETEOR" d.o.o. Sarajevo (vođa konzorcija) & "Institut za hidrotehniku" d.o.o. Sarajevo & "Enova" d.o.o. Sarajevo ispunjava uslove propisane tenderskom dokumentacijom, a da ponuda ponuđača „ECOPLAN“ d.o.o. Mostar i ponuda ponuđača „IG“ d.o.o. Banja Luka ne ispunjavaju uslove utvrđene tenderskom dokumentacijom iz prednje navedenih razloga, odnosno analize pojedinačnih ponuda.

Komisija je dostavila Zapisnik, broj: 10-05-25-443-38/17 od 11.06.2018. godine i dala preporuku ugovornom organu, ministru trgovine, turizma i zaštite okoliša HNK da prihvati ponudu ponuđača „CETEOR“ d.o.o. Sarajevo kao vodećeg partnera kojeg uz „Institut za hidrotehniku“ d.o.o. Sarajevo čini i „ENOVA“ d.o.o. Sarajevo, te istom dodjeli ugovor za Izradu Plana zaštite okoliša Hercegovačko-neretvanskog kantona za period 2018. - 2023. godine u ukupnom iznosu 44.343,00 KM (četrdeset četiri hiljade trista četrdeset tri konvertibilne marke) jer ispunjava uslove utvrđene tenderskom dokumentacijom.

U postupku donošenja ove Odluke posebno su cijenjene činjenice da je Komisija postupala u skladu sa kriterijima iz tenderske dokumentacije, te da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju nesporno da je izabrani ponuđač jedini dostavio ponudu koja ispunjava uslove utvrđene tenderskom dokumentacijom.

Iz naprijed navedenih razloga, odlučeno je kao u dispozitivu Odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje tri primjerka. Naknada za pokretanje žalbenog postupka plaća se Uredu za razmatranje žalbi u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

Dostaviti

- „CETEOR“ d.o.o. Sarajevo (vođa konzorcija),
- „IG“ d.o.o. Banjaluka,
- „ECOPLAN“ d.o.o. Mostar (vodeći član grupe)
- a/a.

